

BOSNA I HERCEGOVINA
FEDERACIJA BOSNE I HERCEGOVINE
TUZLANSKI KANTON
OPĆINSKI SUD U TUZLI
Broj: 32 0 St 404046 21 St
Datum:17.12.2021.godine

Općinski sud u Tuzli, sudija Antonela Đaković, kao stečajni sudija, u stečajnom postupku nad imovinom **„DIDONA“ d.o.o. za proizvodnju, promet i usluge Tuzla, ul. 4. Aprila br. 37,** donio je dana 17.12.2021.godine slijedeće:

R J E Š E N J E

POZIVAJU SE: stečajni dužnik kao predlagač, povjerioci i sva zainteresovana lica da u roku od 30 (trideset) dana, od dana objave ovog rješenja u „Službenim novinama F BiH“, na žiro-račun Suda, broj: 132-100-03091233-91 NLB banka dd Sarajevo, predujme iznos od **4.500,00 KM (četiri hiljadekonvertibilnihmaraka)**, na ime troškova stečajnog postupka.

Ukoliko nitko od pozvanih iz stava 1. ovog rješenja ne uplati navedeni iznos predujma u ostavljenom roku, sud će o prijedlogu za otvaranje stečajnog postupka odlučiti u skladu sa odredbama Zakona o stečaju.

Ovo rješenje bit će objavljeno u „Službenim novinama F BiH“, Oglasnoj ploči ovog suda i Web stranici suda-elektronskoj tabli suda.

O b r a z l o ž e n j e

Predlagač je dana 05.07.2021.godine podnio prijedlog za pokretanje stečajnog postupka nad stečajnim dužnikom **„DIDONA“ d.o.o. Tuzla, za proizvodnju, promet i usluge, 4. April br. 37.** Dana 11.10.2021.godine pokrenut je prethodni postupak radi utvrđivanja uslova za otvaranje stečajnog postupka nad imovinom privrednog društva DIDONA“ d.o.o. Tuzla, za proizvodnju, promet i usluge, 4. April br. 37., a za privremenog stečajnog upravnika imenovana je Maja Musemić iz Tuzle.

Nakon ročišta za ispitivanje uslova za otvaranje stečajnog postupka nad imovinom dužnika održanom dana 17.12.2021. godine, te uvidom u izvještaj o provedenom prethodnom postupku i u svu dostavljenu dokumentaciju od strane privremenog stečajnog upravnika sud je utvrdio da obaveze prikazane u izvještaju privremenog stečajnog upravnika iznose 109.354,00 KM (a koje se odnose na neizmirene kreditne obaveze, plaće, kazne i sl.). Stečajni upravnik naveo je da je stvarne obaveze moguće utvrditi samo ukoliko se otvori stečajni postupak a na osnovu prijavljenih potraživanja. Uvidom u izvještaj utvrđeno je da društvo nema nepokretne imovine, a od pokretne imovine ima samo postrojenja i opremu čija knjigovodstvena vrijednost iznosi 17.525,00 KM.

Sud je procijenio da imovina stečajnog dužnika, ne može pokriti troškove stečajnog postupka, pa temeljem odredbe čl. 102. st. 7. Zakona o stečaju, donio odluku kao u izreci. Naime, odredbom čl.102. st.6. Zakona o stečaju propisano je da stečajni sudija otvara stečajni postupak nad imovinom dužnika ako je prijedlog dopušten, ako postoji stečajni razlog i ako će imovina stečajnog dužnika prema predviđanju biti dovoljna za pokriće troškova stečajnog postupka. Ukoliko imovina stečajnog dužnika ne pokriva troškove postupka a prijedlog je dopušten i osnovan stečajni sudija može otvoriti postupak ako zainteresovna osoba predujmi dovoljan novčani iznos za pokriće troškova, obzirom da se isti neće moći pokriti iz stečajne

mase. Zbog svega navedenog, sud je pored dužnika, također pozvao povjerioce i sva zainteresovana lica da izvrše uplatu predujma u visini od 4.500,00 KM radi finansiranja troškova stečajnog postupka temeljem odredbe čl. 102. st.7. Zakona o stečajnom postupku.

STEČAJNI SUDIJA
Antonela Đaković

POUKA O PRAVNOM LIJEKU:

Protiv ovog rješenja nije dozvoljena žalba.